

建祠奉祀之宋真宗時三神顯形於上各述姓字言奉上帝

勅命陰翊陛下以故真宗封三神為上元道化真君中元護

正真君下元定志真君號天地水三官大帝命天下皆立祠

祀焉清苑縣有三靈侯墓亦云周厲王諫臣唐宸葛瑩周武

三人所葬也按此與前所言微異宏宸應是體誤瑩應是聲

誤但三人之字俱用文又不似三代人字疑偽至現形對語

尤誕不知何時又有作三官經典者據于寶搜神記謂陳子

春名光樂娶龍女生三子俱有神通一為天官主賜福一為

地官主赦罪一為水官主解厄其云雲臺者即今海州之東

海也東海有大村相傳為陳氏舊里即昔之大義村也其上

華陰縣志

卷四 廟

三十七

西安縣林印書社代印

殿宇巍煥香火甚盛或以三官經為蘇眉山作未可信也崇

正時有程天狂者著書多怪異言近代天下之亂由於神號

不正欲改水官為人官其誕益甚矣

齊王廟 在縣東二十五里公莊村祀唐崔瑀或云宋太宗夢

與神遇封府君之神大中祥符三年祈嗣有應加封地曹判

官元延祐二年封護國西齊王

建置

明星玉女祠

華山

在頂之中峯龜背上立祠堂有玉女石室

玉女聖像一尊

集仙

明星玉女者居華山服玉漿白日昇天

祠前有五石白舊號曰玉女洗頭盆其中水色碧綠澄澈雨

不加溢旱不減耗祠內有玉石馬一匹

巨靈祠

華山

漢武帝觀仙掌於縣內特立巨靈神祠焉久廢

文獻通考 華陰有巨靈祠

北君祠

水經

自下廟歷列柏南行十一里東迴三里至中祠

又西南出五里至南祠謂之北君祠諸欲升山者至此皆祈

請焉寶字華山有南北二廟南廟是華北君祠今有北君靈

臺上仙下仙四神童院其廟外有柏樹二千餘株後周文帝

所植舊志今廢

石養父母祠

水經

南入峪七里又居一祠謂之石養父母石

龕木主存焉

華山

石龕

華陰縣志

卷四 祠

三十八

西安縣林印書社代印

按石養父母自水經注不著其第考其蹟原注原文其地當與

齊柯坪不遠下文云又南出一里至天井井在嶺峽之下矣乃今

今養父母祠在三峯口蓋舊窟已遷後人以此誌遺蹟者

胡趨祠

水經

出井上百丈岷南上四里西南出六里至一祠

名曰胡趨祠神像有童子之容

宗土地祠

陳以忠遊

雲山岯上有宗土地祠謂華山為羣山

之宗也范守已吳同春尹伸皆以為宗土地祠魏光緒兩言

之而范形云立祠以祀土神曰總土地言三峯之總也或以

其嗒也易總為宗其說未免牽強而贅矣

焦仙祠 在雲臺觀為宇文時道士焦道廣而建道廣道成乘

麟仙去故後人建此祠之或云焦先誤也按高士焦先常結

草廬於河之湄野火燒廬先祖臥不死不言其在華山也蓋因先仙同音而誤太華全集載之殊失考

藥王祠 在雲臺觀祀唐孫思邈康熙間道士蘇義定募建

王宏撰募修 藥王祠序 人生天地間以萬物為一體故存心濟物謂之

仁者三才之所以參也黃帝使岐伯主典藥以瘳人疾為醫

之始其德與契之教人倫稷之教稼穡等而今之奉祀為樂

王者則唐華原孫先生也或稱王或稱真人吾不具論唐史

則列在隱逸謂其通百家說於陰陽推步醫藥無不善太宗

初召見不受官顯慶中復召諫議大夫固辭還山一時名士

如孟詵盧照鄰輩皆師事之卒年百有餘歲其論愈疾之道

華陰縣志 卷四 祠 二十九 西安縣林印書社代印

推言天人常數謂高醫道以藥石救以砭劑聖人和以至德

輔以人事故體有可愈之疾天有可振之災論人事有瞻欲

大而心欲小智欲圓而行欲方之說亦實得之淮南鴻烈而

有合於聖賢之指故朱子錄入小學子又喜其論養性之要

以自慎為先慎以畏為本故士無畏則簡仁義農無畏則惰

稼穡工無畏則慢規矩商無畏則貨不殖子無畏則忘孝父

無畏則廢慈臣無畏則勳不著君無畏則亂不治實詣名言

有出於醫之外者其他所著書許十有五種載於道藏而千

金方鐫石投洞山洞雖不無為後人所亂然用之多奇效蓋

醫之有先生不減於吾儒之有濂洛關閩也可謂盛矣羽士

蘇義定嘗遭危疾禱於先生服其方而差發願募建先生祠

於雲臺觀中以報德也夫西方司秋神以白帝為尊華原屬

同郡則祀先生於華嶽之下固宜予嘉與眾共成之故因甘

請而不辭為之言以告夫世之以醫知先生者尚有未盡也

於世道人心其均有賴乎

陳希夷祠 府志 明萬歷三十六年知縣朱官重修巡按御史余

懋衡撰記

按希夷祠有三在山下者為玉泉院雲臺觀在山上者為西峯

王宏撰募建 劉禹錫云山有仙則名華山名甲域中而世之

言仙者類稱陳希夷先生不啻吾儒之有新安朱子也今

華陰縣志 卷四 祠 四十 西安縣林印書社代印

國家敷文崇道於古賢人君子及隱逸高尚之士令所在咸嚴

飭俎豆乃華山之下祀先生者僅玉泉院數椽有臥像在小

石洞中湫隘殊甚而天中張使君詩云希夷臥處此元非蓋

先生遺跡在山上者為西峯在山下者為雲臺觀按雲臺觀

即唐衛包所謂下方雖始於後周武帝為焦道廣建而荒廢

已久先生重闢荆榛潛居其中數十年者三峯寓言鈞潭集

諸書迨朱子有主管之命自稱雲臺真逸為希夷直下諸係

雖聲教未加而勝跡聞於天下傳於後世子嘗徘徊周覽其

上為大殿祀四嶽諸神其右即焦祠其左有隙地可數十弓

擬為先生立一祠與焦祠並列而力之不給構造為艱是用

告諸大人君子合成一彰貞士之流風備名山之盛事非他不度之祀可比也竊聞先生少負經綸之志值世亂嘗欲大有所為後聞宋太祖與鑿驢笑曰天下自此定矣遂為石隱之計及太宗三召遣宋琪問煉養之道先生答以君臣同德興化致治勤行修煉無過於此蓋先生儒者也尤深於易得四聖之傳啓宋諸儒之先朱子本義首列諸圖皆自先生發之實為吾道之宗而世徒以仙稱之則渺矣予之尊事先生有在此而不在彼者也他日將結茅其側以老冀於先生之學少有窺焉此又予之私也

宋邵雍謂陳先生祠 仙掌峯巒峭不收希夷去後遂無儔能對時事高

華陰縣志 卷四 祠 四十一 西安縣林印書社代印

擡手善酌人情略撥頭畫虎不成心尚在悲麟無應淚橫流悟來不必多言語贏得清閒第一籌

朱子祠 在雲臺觀右康熙二十年知縣遲維城與岷山顧炎武徵士王宏撰同建乾隆十五年邑令姚遠翹增修

顧炎武與李中孚書 華令遲君謀為朱子祠堂卜於雲臺觀之右捐俸百金弟亦以四十金佐之七月四日買地十日開土中秋後即百塔皆作然堂廡門垣備制而已不欲再起書院惟祠中用主像遵足下前諭主題曰太師徽國文公朱子神位像台用林下冠服敢祈足下考訂明確示之

顧炎武與王山史書 朱子祠堂之舉適有機緣今同令弟及諸君相視

形勢定於觀北三泉之右擇半敞之地二水合流之所建立一堡止用地四五畝繚以周垣引泉環之并通流堂下前為石坊列植松柏內住居民三四家守之雖所費不貲但有百金即便興工不患無助春仲弟自來視工望作一家報凡擇地委人一切託之令弟允塞仍移事報弟速為措辦可也

顧炎武復張又雨書 華下有晦翁舊事歷五百餘年始得山史為之表章又十二年而炎武重遊至此及今不叛更待何人今移買山之資先作建祠之舉若改歲之初旌騶至止當於華山奉迎白石清泉共談中懷慰二載之闊悵訂千秋之大業幸甚幸甚

華陰縣志 卷四 祠 四十二 西安縣林印書社代印

顧炎武朱子祠堂上梁文 蓋聞宣氣為山衆阜必宗乎喬嶽明徵在聖羣言實總於真儒自夫化缺三雍風乖四始兩漢而下雖多保殘守缺之人六經所傳未有繼往開來之哲惟絕學首明於伊維而微言大闡於考亭不徒羽翼聖功亦乃發揮王道啓百世之先覺集諸儒之大成然而代運富屯善占得遜官方峻直難久立於朝端祠祿優遊每自安於林下瞻此雲臺之側實為寄祿之邦子靜書中羨希夷之舊隱尋蒙序末題真逸之新名雖風聲遠隔於殊方而道德實同乎一統家傳戶誦久矣無間豈區春祀秋嘗獨此未瞻廟貌於是邑之薦紳耆舊以及學士青衿無不博考遺編深嗟闕典睇琳宮之絢

爛悲木鐸之幽沉爰有廷揆張君山史王君菟採於前子德發
李君適之宋君宣揚於後而會炎武跋涉關河流連原嶽
遐情於五嶽尋墜緒於千年卽雲臺舊院之西度香火專祠
之地重邀茂宰贊此良圖萃人力以作新捐緡錢而倡導卜
神涓吉庀材效工右帶流泉來惠風之習習前憑嶽麓狀盛
德之峨峨將使俎豆增崇章逢無絕敬泚衰蕪之筆式陳邪
許之辭

徐元文華山建
朱子祠堂記

舅氏亭林先生在華山以書來白昔宋時有

宮纓之秩以其祿優林下之臣而朱子嘗主管華州雲臺觀
又提舉嵩山崇福宮然朱子於雲臺之地尤拳拳焉其與陸

華陰縣志

卷四 祠

四十三

西安縣林印書社代印

子靜書曰幸叨祠祿遂爲希夷直下諸係而慨歎於香火之
地聲教未加其著易學啓蒙自稱雲臺眞逸題顧侯射記稱
雲臺外史跋朱希眞書道德經稱雲臺子邵武丞相李公祠
記則具書其銜曰宣教郎直徽猷閣主管華州雲臺觀朱某
雲臺觀者在華山之下其來古矣唐末之亂希夷先生實修
是觀而隱居焉故朱子云云也距今華陰縣南八里邑志載
之而四五百年莫有創爲之字以修祀事者頃同年葉君井
叔令登封則既於崇福宮之故址立祠以祀程朱二夫子而
廣寧遲君屏萬令華陰越二載政通民和遂卽是觀之右而
作之其制視嵩山加整潔焉余惟

國家尊經重道以朱子爲師凡其牛卒與居官講學之地無不
崇飾廟貌虔奉春秋雖此邦屬之金元朱子所未嘗到而用
意之所存千載以下固有聞風而興起者乃遲君於關中多
事之秋日不暇給干戈甫戢卽以舉曠典振儒風爲已任且
一工一雙皆出諸已而不以賦諸民豈非超出於時流者乎
余與遲君之叔默生昔同典試關中悉其家學而舅氏復以
五嶽之懷留連斯土西望三峯不覺爲之神往而不能已於
言也侍御黃君泰園行澼河東已丁內艱馳使助工有足稱
者而首其議則邑人王君宏撰其季宏輝爲植巡功例得并
書

華陰縣志

卷四 祠

四十四

西安縣林印書社代印

王宏撰創建
朱子祠疏
國家尊經重道以朱子爲師凡其生卒與居官
講學之地無不崇飾宮祠嚴奉俎豆而華山之下闕焉考宋
史及性理大全諸書淳熙乙巳朱子有主管雲臺觀之命雖
其時疆土間隔而朱子與陸子靜書曰幸叨祠祿遂爲希夷
直下諸孫頗以自慶但香火之地聲教未加不能不使人慨
歎耳故其著易學啓蒙自稱雲臺眞逸蓋比之新亭一望用
意實深而亦念天下之生亂必有治美人西方之思將待之
於他日也邑小而俗儉祀事之典縉紳先生未有議及者竊
見東嶽泰山之山有孫石二先生祠與青帝之宮並峙而南
嶽衡山則潭守朱洞自宋初干戈甫定之日首創嶽麓書院

蒸湘之間人文蔚起獨我關中風烈未振然則表絕學之遺
徽補名山之軼典在今日其可已乎敬竭綿力卜地鳩工建
祠爲堂爲室爲講舍爲庖廩敢告大人先生共成之庶眞儒
之道與五嶽而同高寄祿之邦以斯文而增重

王宏撰雲臺觀朱子祠成祭告文

於惟夫子有宋之英道承先聖學集大成

筮仕立朝慨志不行乃奉祠祿眞逸自名闕宮既建於禮孔
明彷彿像設見容聞聲匪干國典以順人情敢用昭告冀鑒
微誠是憑是依啓佑後生垂千百禩俾也永貞

李願五修雲臺觀朱子祠記

今夫舉一事而朝野之風教明崇一人而古

今之學術正則朝廷有議禮之典廟廡有陪祀之位其次祀

華陰縣志

卷四 祠

四十五

西安縣林印書社代印

於其鄉若夫寄跡之地遙領之官亦肖像而祠之則出於學
者景仰之私然君子不以其私而廢之也何者文章之士登
臨勝概一騁一詠猶足爲山川增重况碩儒高士之流風遺
韻所關尤鉅者哉昔者吾友華陰王徵君宏撰與東吳顧徵
君炎武嘗建朱子祠於雲臺觀之右而後又建白雲祠於其
中以祀希夷先生皆所以爲斯道計而厥功未竟志弗慊也
越二十有餘年而開府鄂公至始拓而更新之財賦於祿功
周於歲與仙觀煥然并據勝地於時高山在望景行彌新董
其事者儒學博士李言夔龍求予言以記其事予惟孟子歿
孔子之道微至宋儒出而始有以接乎不傳之緒而朱子晦

菴乃實集諸儒之大成自是致知格物之學復明於天下而
孔子下學上達之旨人皆知所以實用其力而無躐等空疎
之弊可謂正且大矣茲方雖非其過化之地然淳熙間嘗受
主管雲臺觀之命故自號雲臺眞逸則其精神志意之所存
實亦有以樂乎此也圖南先生傳易圖之祕文堅臥雲臺與
時偕臧世所詫者踵息蛻飛之奇而不知迹在周行觀其答
宋琪之問亦吾儒之高蹈者尸而祝之不亦宜乎開府公以
大臣撫軍政治之暇獨能留意斯文爲二子丹楹刻桷崇飾
俎豆其於明道傳經之功既亦尊奉而表章之又以補祀典
之所不及非有得於孔子之道而然歟夫其意豈不曰天下

華陰縣志

卷四 祠

四十六

西安縣林印書社代印

之治亂視乎政教之盛衰政教之盛衰視乎學術之邪正學
術不正則政教無所施其權而不至率天下而充塞乎仁義
者幾希矣吾與以法制禁令之而不從無寧使之拜跪俯仰
觀感而興起之以漸也則斯舉所以維風教正學術而大臣
之識與其所學俱見矣故不辭而爲之記

康熙四十二年

姚遠淵五修朱子祠及
創建雲臺觀於院台記

修廢舉墜興賢育才均之爲宰者職

也而事有相因會逢其適則一舉而數善備華山雲臺觀西
偏有朱子祠創自我

朝康熙年間江南顧徵君亭林本邑王徵士山史以朱子在宋
淳熙時曾受主管雲臺觀之命故與陸子靜書有幸叨祠祿遂

爲希夷直下諸孫之語蓋希夷前亦隱居是觀也又自稱雲
臺真逸則朱子於雲臺意念深矣兩君慨然思古遂創祠宇
奉俎豆侍御徐公元文爲之記觀山史律祠疏云表絕學之
遺徽補名山之軼典其志不亦嘉哉歲月既久且一二人興
置規模猶未完善房舍缺然邑諸生雖歲修祀事而講學觀
摩未有布席之所前令簡公霞山卸事後勸課士子邑人於
城中爲建生祠以格於禁改爲仰華書院立朱子像於上而
置簡公石主於其旁名爲書院三楹之屋土凡兩行不足爲
絃誦之地也簡公既歿斯宇直宜祀簡公若祀朱子則未有
如雲臺之善也乾隆丁卯謝承乏茲邑展謁觀祠景行仰止
見寢堂簡陋周覽多隙地思有以恢廓而整新之且爲諸生
謀藏修地以房費浩繁兼值修築城垣未暇遽及歲庚午大
中丞桂林陳公按臨華嶽新詣瞻拜於祠中下詢顛末謝述
以對因下教曰敬禮先賢振興後學當不應如是因陋就簡
也遂蒙指示規畫趨卽興廢謝退而鳩工庀材執度度基地
長廿五丈寬十一丈有零爲建正殿三楹移象虔供前三楹
爲獻殿謝樞棋磚甃更易一新宇仍舊址階下建兩廡各三楹
豁然軒敞翼然整齊庶幾可以虔祀典肅觀瞻矣輪奐大備
謝不禁愀然念祠雖修建使無經久計僅寄管鑰於道流恐
不數年風雨烏鼠之患復如曩昔因相度祠牆之東有觀廢

地一區破瓦頽垣黃冠棄置無所用爰與直購得穿門通於
祠中建講堂後爲書室旁爲列舍堂計開三室計開五東西
舍各計開二閣庖畢備繚以周垣與祠合一越明年次第告
竣謝亦竊幸其役之舉而兩得也謹申覆於中丞請以爲書
院中丞復下教曰賞先勸後此甚盛舉也昔朱子受宮觀之
秩疆域間隔聲教未加今諸生奉朱子爲師何不卽以雲臺
額書院乎於是邑之人士羣知中丞公之尊道愛士教思無
窮之惠直逮於下邑也奮然之思以感而愈勵謝亦因之有
感矣謝不敏不能昭宣德化敢不黽勉於修廢舉墜興賢育
才之事獨是地當孔道華山之勝甲天下其足供遊覽登眺
之處不可勝數設不逢陳公嘉惠後學惓惓於正學闡教之
舉而或興修寺觀或繕葺亭宇以不急之務爲急卽疲於奔
命亦奚益哉故曰事有相因會逢其適宰之幸邑之幸也祠
與書院既成爲延名宿主講席鵝湖鹿洞燦然復振諸生肄
業其間進則仰儀型而起敬退則敦詩書而安學三峯時前
羣山環列翠靄落於几席秀色撲於眉宇卽眺覽勝概孰有
過於此地歟是舉也費約四百餘金稍竭綿力置地五畝爲
春秋祭祀之資又捐銀二百金置產生息作諸生膏火設有
不足以待續厥成者則有邑生史誠王天相等實盡心焉二
生好學而篤志聞其先人常借勝友力學於茲觀當時稱盛

今可復睹云 乾隆十六年

何公祠 舊志在西關為明嘉靖間知縣何祥建 按今稱六侯

祠蓋增祀邑侯王九疇解立敬葉適遲維誠簡廷佐於祠也

朱震孟重修何公祠記節略 前華陰令克齋何公者內江人也始由麻城

學諭任華陰令三年擢襄陽貳守入為南比部尚書郎與不

佞震同曹相善公謝事歸蜀震出為渝州守往來從公遊江

上者五年而震再由渝陟潼關兵備副使華故副使屬既入

境則時時問長吏賢否乃華之父老子弟獨嘖嘖稱念何公

曰今安得如何公者令我哉已行指華下諸渠曰此何公之

冒暑而疏者也指庠之宇曰此何公捐俸而構者也遙指秦

華陰縣志 卷四 祠 四十九 西安縣林印書社代印

嶺之間曰此何公請甦吾民而免供帳之累者也指郭指祠

而告曰此邑民思何公而生以祀者也夫何公之去吾華且

十年矣震乃肅然歎曰嗟乎是古所謂去後思者非耶夫民

之於上也應若風草然其要歸於一誠至誠之人其感物也

動天地達鬼神而橫六合而况於邑之民乎公治華事具王

冢宰文蓋其為人大都質直而寡言善善惡惡若切於其體

平居恂恂似無能者至義所當為直以身任之而無所迴顧

往在比部將定讞會有冤獄公察其情欲直之同列以為難

公力請於大司寇得下震會冤遂白是獄也稍緩之死矣

囚叩首墀下流血曰何公再生我公乃愀然避之值齋期宿

部諸曹郎例醢金市魚酒會食公獨啖蔬然亦從諸曹郎會

不為異也以故諸曹郎率敬憚公由其誠也一日語及曰吾

聞仕者尚通隱者尚默吾默默而仕又吾壯齒去矣吾家成

都江上薄田數畝足備餽粥大峨青城之間多異人芝蘭滿

山谷吾將持長鏡往遊孰與束帶僕僕塵土中也遂拂衣去

震從江上再見公顏色丹神翩翩若仙公所得者深矣夫誠

者不援物不擾生隨寓而施緣感而動於人則澤於已則安

此其於華愈久而思若旦夕然者殆非偶然矣公冢嗣今中

丞萊山公往令盤屋蓋屋之民至於今思之若華關以內談

循吏者必首二何公於是焚香禮公踞踏祠下諸湫隘而頌

華陰縣志 卷四 祠 五十 西安縣林印書社代印

毀者屬今令宋君稍廓而新焉蓋公於震為舊知其嚮往為

最切而彰善報功順民心昭國憲亦觀風者之事而非以私

也工既成因次第其辭勒石以風來者

簡公祠 在縣治東即仰華書院也祀知縣簡廷佐

關西孔子祠 在縣治東祀漢太尉楊震 恩准給奉祀生一

人禮部頒發執照以奉俎豆

雙烈祠 在縣治西南陝西通志提學田厥茂為贈光祿寺少

卿楊呈秀暨弟呈芳建春秋致祭

華陰縣志卷五

建置官

平陽封宮

三輔黃圖

秦武公元年伐彭戲氏至於華山下居於平陽

封宮

案括地志及史記正義皆以為在岐山魏地形志通鑑胡氏注略同當屬今之郿縣程氏雅錄以為在華山下當因史記至於華山之文而誤然沿習已久姑仍其說可也汪紹徽

集靈宮漢武帝元光初建即今嶽廟也

漢書地理志

華陰縣有集靈

宮武帝起

三輔黃圖

集靈宮在華陰縣界武帝宮觀名也

後漢華山廟碑

武帝巡省五嶽立宮其下宮曰集靈殿曰存仙門曰望仙

宮閣名長安有集靈宮 或在外郡或祠祀所在因事以立也

華陰縣志

卷五 宮

一 西安縣林印書代印

張昶華山堂碑

世宗經集靈之宮

水經注

敷水北逕集靈宮

一統志集

靈宮望仙臺皆漢武帝置

方輿紀要

集靈宮在華山北麓

桓譚集靈宮賦并序

余少時為中郎從孝成帝出祀甘泉河東見郊先

置華陰集靈宮宮在華山下武帝所造欲以懷集僊者王喬

赤松子故名殿為存仙端門南向山署曰望仙門竊有樂高

妙之志即書壁為小賦以頌美曰夫王喬赤松呼則出故翁

則納新天矯經引積氣關元精神周洽高塞流通乘陵虛無

洞達幽明諸物皆見玉女在旁仙道既成神靈攸迎乃驂駕

青龍赤騰為歷踏元厲之擢靡有似乎鸞鳳之翔集於膠葛

之宇泰山之臺吸玉液食芝漱玉漿飲金醪出宇宙與雲

浮酒輕霧濟傾崖觀倉川而升天關馳白鹿而從麒麟周覽八極還掩華壇汜汜乎濫濫隨天轉旋容容無為壽極乾坤

集仙宮 三輔黃圖 在華陰縣界武帝宮觀名也

白雲宮在上方周武帝時建 華山志 上方白雲宮因羽人焦道廣

興建又白雲峯唐金仙公主修行之所名曰白雲宮宮側有

焦真人石洞

國朝朱楓詩

上方白雲宮懸巖架樓閣隱現嵌壁間媿媿驚欲落

其下鑿翠開古鐵徐牽索誰云不可攀石坎聊插脚遂躋西

元門登危比狐獾嗟余今老矣探奇力轉弱洞天不我拒殷

勤乞靈藥不然授仙經巖居鼓橐籥一朝身自輕山中樂吾

華陰縣志

卷五 宮

二 西安縣林印書代印

樂

太清宮在上方周武帝時建 華山志

華山志

中方太清宮因羽人焦道廣

興建 在縣南六里唐天寶元年勅於熊牢嶺置中方號曰

太清宮

雲臺宮在下方周武帝時建 華山志

華山志

下方雲臺宮因羽人焦道廣

興建唐天寶中命右補闕集賢學士衛包撰修三方記 雅勝略

上方白雲宮中方太清宮下方雲臺宮皆在娑羅坪東峯上

興德宮 隋書地理志 華陰隸京兆郡有興德宮

金城宮 唐書地理志 華陰東十三里有隋金城宮武德三年廢顯慶

三年復置 唐書地理志 華陰東有隋金城宮顯慶二年復置

瓊嶽宮 方輿紀要 隋大業四年建本名敷水宮五年改為華陰宮義

寧二年移宮置長監唐貞觀六年改為華陰宮顯慶三年為

瓊嶽宮 唐書地理志 華陰西十八里有瓊嶽宮故隋華陰宮顯慶

三年更名

素靈宮 神仙拾遺 馬周華山素靈宮仙官也唐氏將受命太上敕之

下在於國 太平廣記 馬周傳素靈宮有仙官迺大洞府十洲三島

神仙之所也

按馬周軼事所稱素靈宮者大約神仙之別宅非如琳宮道院可按蹟而求也姑仍其名可耳

金天宮 府志 華嶽三峯南峯特高上有金天宮康熙癸未翠蓋西

巡命皇子元老登巔致饗 欽賜南峯住持道人綠和晉匾

華陰縣志 卷五 宮 三 西安縣林印書代印

聯勅巡撫鄂海撥支帑金重修乾隆四十三年巡撫畢沅

奏請修葺知縣陸維垣領帑監修更昭巍煥

張肇綱題修 竊惟華嶽奠麗西土自漢武立廟而後歷代帝

王祀典崇隆尙矣然華嶽三峯惟南峯獨高上有金天宮其

創建之規模因岡巒之形勢惟是宮殿年久漸為凌雨颼風

摧殘朽敝肇綱自四十一年壬午冬叨知華陰縣事越明年

癸未恭逢我

皇上翠蓋四巡親祭嶽廟暨命皇子元老登巔致饗

欽賜南峯主道嶽和晉

御筆匾聯

勅諭撫臣鄂海撥發帑金重修南峯宮殿及縣治東之廟廊樓

閣猗歟 哉我

皇上隆重西嶽正所以保懷秦民而

神聖高明直卓越乎曠代矣維是撫臣鄂欽遵

上諭遴委潼商道金督理厥工於四十三年正月經始至八月

中浣而南峯之上規模固立猶未落成乃撫臣復命孔亟面

諭肇綱協力督修立限報竣噫是峯也峭然壁立萬仞之高

粒米枝薪塊磚撮土無不攀鐵躡級而上且鑿石為基范鐵

為瓦功之成也豈可計日望哉肇綱不敏躬躋其巔督率其

僚晝夜經營不期月而殿宇神像煥然一新

華陰縣志 卷五 宮 四 西安縣林印書代印

宸翰奎章炳懸傑閣之上以與三峯並峙不朽此千百年之僅

事也烏可以不記

王又且金 探幽凌絕境謁帝陟層巔赤日巖中出清流樹杪

懸文牕陳俎豆繡棋錯風煙大勢吞商洛低峯走澗瀍天迴

星作井帝用石為蓮成物功居兌司方位近乾吾生悲漢落

弱質仰陶甄荷篠生涯細攤書歲月遷一燈愁臥閣五牖守

空筌乘 屨臨無地排雲欲問天威靈粉窈冥風雨莽回旋徒

倚山庭下蒼茫夜未眠

嶽嶽宮 華嶽全集 在山峯中央 姚志 在南峯窪中傍西峯之麓倚岷而

構今廢

國朝柔調元 峯嶺嶽嶽宮直壓飛雲頂爽氣豁金天澄泉油

玉井仙人高掌開司寇峨冠整蓮華爛空浮一朵青烟冷依

微演黔山破碎夕陽影石欄在層霄獨立秋光迥

萬壽宮舊志在華山峪內

太素宮在峪口側東王猛臺下為黃冠棲所曲水修竹閑靜之

區也

五嶽宮舊志在娑羅坪上

白帝宮舊志在五里關南

觀

秦皇觀華州志在少華西峯順炎武金石文字記當在華山西峯今不知其

華陰縣志 卷五 宮

處

望仙觀三輔黃圖望仙觀在華陰縣界武帝宮觀名也

願况夜中望仙觀詩日暮御花飛鳥還月明溪上見青山遙知玉女窗

前樹不是仙人不得攀

按府志云即望河觀在縣故正里距城三十里萬歷九年修此觀舊志而誤也觀址在邑東北渭水之北介於朝華之間今其地兩縣居民均號其村為曰望仙觀稍西朝邑十人建漢武帝祠因此朝邑志東南望仙觀漢武帝築以望神人之至是也張志謂在故正步元光時於南北三十里內連建兩觀而一其名歟失於考核明矣

華嶽觀華山志漢武帝修建後至宋祥符中因四高士而復興也

按康熙五十七年知縣簡廷佐撰重修觀記云明嘉靖乙卯地震觀宇傾頹遺棄四散國初羽流張雲峯構精舍於此漸加修理其徒高蓮石繼之以次重建香火如故但記內所云元世祖賜勅勸勸碑存僅餘二石跌而已

雲臺觀舊志觀在縣南八里後周武帝時有道士焦道廣獨居雲

臺峯辟粒餐霞常有二青鳥報未然之事武帝親詣山庭臨

軒問道因於谷口置雲臺觀宋史真宗神御之殿華州雲臺

觀集真殿雲臺觀在華陰華山下真宗再幸至和元年修建

集真殿宋史陳搏傳移居華山得古雲臺觀基闢荆榛而居之

神仙傳陳搏亳州真源人始隱武當山後居華山雲臺觀朱子

淳熙十二年主管華山雲臺觀號雲臺真逸華山全集垣外

為雲門池東觀為玉帝殿後為無量殿最後為八角茅屋西

隅為焦仙祠論曰觀址舊有今之三存者一焉且分為兩區

所祀神惟嶽神為正餘皆非然華嶽山高谷空風甚緊非為

華陰縣志 卷五 觀

屏其口則縣城當之矣故古人建置非無以也姚志屢廢屢興

元季燬於火至明成化庚子始立三清殿為棲神之所正德

乙亥重建隆慶壬申重修萬曆丙子復修屈直重修周武帝

於山麓度地五百畝營建道觀賜額雲臺以處道廣千有餘

年興廢凡幾正德乙亥道士趙崇盤等重建南軒重修嘉靖

中地震垣宇傾圮縣令李時芳何祥侯封李承科奉上憲檄

與紳宦士民並道流等協力重修後為西嶽殿五楹中為三

清殿五楹前為玉帝殿五楹東西又各為祠三以祀諸神前

為集靈坊繚以崇垣垣外為道院四區重以周垣圍觀內地

二十畝有奇外附觀祀田凡四百畝有奇繞之以嘉靖甲子

秋興十告竣於萬曆丙子春自嘉靖甲子後修廢圖新遞有嘉績

國朝康熙五十七年陝大中丞鄂海捐俸增葺歷年積久祠宇漸頹乾隆四十四年縣令陸維垣奉中丞畢沅檄重修

王宏撰募修

雲臺觀者以祀西嶽華山之神及於三清者也

其初乃後周武帝為焦道廣建既經坍塌而宋陳希夷先生重闢荆榛隱居其中著三峯寓言鈞潭集諸書迨置祠祿遂為國家典禮所在幽以事神明以治人不僅為遊覽勝蹟也歷年既久榱桷寢朽其中諸羽流以屢遭兵燹皆餬口不給有散而之四方者矣而此之所關亦不在諸羽流故合邑士

華陰縣志

卷五 觀

七 一西安縣林印書代印

大夫僉謀重新議推賢者董其事將次第興工而忽以別故幾致中輟此衆人所以復請為言而予所以歎也蓋予嘗論事以有初鮮終為恥所媿家貧不能效吾家元琳季琰捐雲巖故事而亦不敢以湘沅之事望人則一絲一粒之助莫非善事也夫華山為五嶽之一典禮攸崇古今並重唯此與灑靈宮耳今

天子時舉巡狩之禮一旦臨幸則琳宇嚴飾固守土者之光若見其荒涼湮廢將無惻然動念乎此亦守土者之所宜籌也嗚呼厚生正德王政之大端也唯人以忠信和平之心事聰明正直之神則太平可基而風俗以淳神之佑之福祿永臻

矣不然苟其為人所不與即神所不嘉也願與吾鄰共勉之豈徒琳宇是飾云乎哉

唐孟郊遊華嶽獨靈異草木恆新鮮山盡五色石水無一色泉仙酒不醉人仙芝皆延年夜聞明星館時韻女蘿絃敬

茲不能寐焚柏吟道篇

元曹之謙 趨程疲永路寄宿喜琳宮蓮嶽三峯對松林一逕

宿雲臺觀 通地偏殘暑失境靜俗塵空入夜清詩夢山泉落枕中

明許宗魯 勝地雲臺觀空山仙子家門開迎翠嶽壇古秀瓊

葩元圃春長在丹邱路不賒誰能邀羽客共引白雲車

冲雲漢 山亭浮水曲載酒又重過欲訪仙人去其如白髮何

華陰縣志

卷五 觀

八 一西安縣林印書代印

風澄迷丹霧雲開鎖碧蘿千年真隱地坐對且狂歌

東野春日 遊雲臺觀 樹老知庵古石多見路嶮長松凌絕壁野鳥下平

蕪遠眺心偏壯豪吟興未孤三峯青入座佳景勝堪圖

李夢綸 雲臺觀枕玉泉湄翠削三峯對不移窗裏山光時隱

雲臺觀 見晚來雲氣壁淋漓醞辰絳節朝羣帝天路金童引鳳頭

白掃門憐弟子剛松石礙白苔滋

宋徽宗 雲臺仙觀枕雲隈絳闕遙瞻霄漢回富戶碧蓮開華

嶽拂壇蒼檜護蓬萊採芝欲向名山老辟穀爰從黃石來為

謝羽流休問姓元都幾見把桃栽

周怡雲 雲臺日對華峯雲蒼白翩翩朝暮分一枕使誰眠睡

穩千山勞我拊摩動洞門新有烟霞主谷口原多麋鹿羣莫

謂野人無箇事風來時有善言聞

楊九澤獨尋春色上雲臺三月花香遍九垓何處碧烟籠翠

雲臺觀柳誰家象管勸螺杯斜陽返照千峯樹曲水潛通兩岸苔因

就松林成晚憩滿梁皓月若為陪

本朝宋琬三峯峯下羽人居夾道青松覆碧渠金榜蝌文程

雲臺觀邈篆玉函龍氣老脾書荷鋤種藥他年事倚杖穿雲此地初

柏子一餐身力健芙蓉蒼翠溼衣裾

蔣超雲雲臺俛星泖老柏繁霜蓋清磬石房響瑤琴碧泉洗

雲臺觀我來逢烟客壽與喬松比百年甫開秩一衲輕如紙長跪問

華陰縣志

卷五 觀

九

西安縣林印書社代印

丹訣銷然啓玉齒人生驚若浪當境輕爲美此是一字與貴

育舉不起

沈青崖一杖入雲臺芒鞋鼓興來竄飛松鼠疾嘶斷塞鴻哀

雲臺觀破殿秋光迴空林霽色開玉塔人跡絕扶寸長青苔

康乃心重兩度名山次第來煙霞常傍古雲臺於今吸盡蓮

九雲臺觀花露可當登高酒一盃

靈臺觀明李裕張超谷西五里靈臺觀道士云胤始前唐亦希

華山記夷寓所堙於兵燹洪武中重建臺殿門堂甚整飭

王母觀華山志中方大羅峯王母數現衣黃裳戴金冠乘寶輦駕

五色斑龍九頭上有羽蓋左右金童玉女仙官將吏莫窮其

數後於現處建其祠堂唐貞觀中山下建王母觀陝西通志王母

觀在華山下唐貞觀中建

李商隱題華山下王母祠神仙有分豈關情八馬虛隨落日行莫恨名姬

中夜沒君王猶自說長生 蓮花峯下鎖雕梁此去瑤池地

共長好爲麻姑到東海勸栽黃竹莫栽桑

承天親府志在縣西三十里敷水鎮創自唐貞觀時相傳羅敷真

人蛻化於此華山志華山之西有一山名曰羅敷山大厯五年

有天地水府三官降現又感代宗皇帝夢中後勅修三官院

至咸平中更爲承天觀

楊端本重修敷水鎮南有承天觀相傳創建唐太宗貞觀時

華陰縣志

卷五 觀

十

西安縣林印書社代印

羅浮真人脫蛻於此自唐厯五代宋元千餘百年其間興廢

皆莫可考父老傳明時建玉皇三清諸殿神像計四十餘其

時之年月亦莫得而稽但傳嘉靖中秦地震諸宮觀俱傾壞

觀巍然獨存至崇正末盜賊焚劫鎮與觀俱火蕩爲邱墟者

且四十年矣至

國朝康熙十二年有賈人過鎮憩於觀感神夢歸而誕子乃攜

數十金界鎮人助觀之功於是鎮人集衆謀營建富者輸財

貧者殫力募邑之四域廣之十方會金帛刀布之入而鳩工

庀材建大殿三楹繚以周垣樹以松柏而莊嚴其神像雕極

文礎金碧輝煌而觀煥然維新瞻仰咸肅矣經始於某年月

日至某年月日而工竣鎮人醵石志其事而請予一言余爲

之銘曰弈弈者廟有洳者宮美哉輪奐彩棟丹櫺嵯峨華嶽

左聳穹隆北枕渭川帶若長虹殿閣幽邃柏楸鬱叢鳥革鞞

飛苞竹茂松神之格思佩璜縉琮雲旗霞幢驅虹駉龍蒸嘗

明禋擊鼓伐鐘和風靈雨物阜年豐碧石以誌萬禩靡窮

仙宮觀華山志金仙公主所居之宮乘鶴之後勅修爲仙宮觀

興國觀華山志六平興國觀原在關峪內紹興年因道士焦虛請

額修建於華山之下

鹿圈觀華山志原在竹峪嶺西宋大觀中因道士仇潤之請額修

建於華山之下陝西通志原在竹峪嶺宋大觀中因道士仇潤之

華陰縣志 卷五 觀

建於華山之下宣和中重修

拱極觀華山志宣和年修建於嶽前社張志舊附廟今在嶽祠東左

宋宣和中建朝奉大夫薛公度撰記後雷道士勒碑

宋朝奉大夫薛存拱極觀碑記大觀初太上皇以水行協序潤下收功解梁

奏鹽澤復興寶巖薦瑞散則搖銀海聚則擁雪山其缺宗社

無疆之休聖德謙冲功不自有乃歸美於三靈眷佑百神職

申遣王人往會漕臣泊郡邑官僚按封內與夫鄰境方邱嶽

鎮凡祠宇載缺靈貺且爲民邀福而華陰西嶽金天順聖帝

廟得重葺焉先是廟中有北極眞武殿寄廡下提舉修缺庇

事仲千焚香所得吉卜矢當告遷以表異顯德杯應如響遂

卽廟垣之東徙建殿宇并抗章請差華嶽觀道缺焚誦及管

眞武道院道之因闕廟煥隙地增廣作堂室廊廡廚庫凡百

楹重和元年冬詔使王仍來降御香盼壘有感奉聖旨撥賜

嶽廟舊田五頃特免二稅充齋糧宣和七年四月恭被宸翰

賜觀名曰拱極復道令之承紹住持茲其始因也仰惟北極眞

武靈應眞君以輔佐玉帝而照臨下土幽無弗燭遠無弗屆

感無弗通其炳靈妙用雖默運於冥冥不測之中斷邪滅妖

拯危扶苦福善禍淫每著於昭昭可見之地上缺皇圖下濟

羣品陰功密德殆不可數計察人間善惡功過欲使愚迷遷

善遠罪回向正道而已所以天下尊奉畏愛洞洞乎如其

華陰縣志 卷五 觀

上故寓神之館隨在在而嚴飾也况拱極肇管境占勝絕面

橫蓮嶽之三峯背折龍門之一曲山川秀異物產瓌琦誠古

今仙聖之所宅幽人逸士之所會也道之自徙殿至賜觀額

住持二十年矣既克已礪行遵奉戒錄普施符藥且得同徒

郭隋之協贊薰修之外共葺觀事剪薙榛莽疏疊泉石培植

松竹花藥虛而明者軒亭開邃而雅者洞府列煙霞葱蘢風

月澄澈將與華嶽觀相表裏門枕大路介乎京洛雍蜀之間

過客憧憧往來名馳利騫塵染塗汚乃缺觸禍機橫罹罪罟

覆車相望而不休不止吁可閔歟豈知缺清淨近在缺外如

市而中若水又可以息機返照頤神引年於斯也公度庸濁

凡軀夙叨道陰言念宿世於真君或有少緣蒙佑多矣醴泉探符則告以吉凶之祥鸞居求嗣則錫以龜蛇之夢神休靈貺無所報稱於是羽人求記謹齋戒緝文以據丹悃云靖康元年八月三日記

迎祥觀 華山志 西嶽真君廟宋崇寧年改為崇寧萬壽觀紹興年

改為報恩廣孝觀阜昌年劉豫僭元改為迎祥觀 張志 黃神峪

宋時建真君觀朝使祈報多在此崖間有熙寧間遊人題名元符中邵伯溫同遊字址廢碑存

真常觀 張志 在縣東觀北里元中統中建

全真觀 在華山麓元道士賀元希建 清華觀 張志在縣東觀北里元大德中建

華陰縣志 卷五 觀

十三

西安縣林印書代印

按甘水山源錄道士毛養素於金天興乙未興其華陰之清華觀

報恩觀在縣東二十里泉店鎮明萬歷間慈聖太后為華山道

士高蓬頭建賜地五十五畝永修香火 張泰徵創建 報恩觀記 萬歷二

十六年十月經始二十九年十月落成觀之基為地五畝中

為無極殿四楹前殿四楹左右廡各四楹朱棟丹角金輝碧

映下為道院十楹周垣繚之山門一座顏日報恩

楊端本重修 恩觀募緣疏 入關二十里泉店有報恩觀明神宗朝明肅

皇太后為高蓬頭真人建也真人道行高潔通內外元修神

宗召入大內優禮踰恆留都中數年辭歸山太后欽賜道藏

三籙錦幡法服於華山青柯坪東巖創建藏經樓供奉其中

又於泉店為建報恩觀真人即於觀靜息養真或閉關導引而海內名公鉅卿諸君子訪道從真人遊者冠蓋車騎日填塞門巷蓋巍然一名勝區也自真人棄塵寰七十年來兵火

滄桑殿宇傾圮即時稍事修葺而益不補損近且棟裂壁頽神像暴露幾成荒烟蔓草之墟余往來經其地登高邱東望

函關昔令尹喜瞻紫氣迎真人固老子乘青牛所經過地也洋洋大河河上翁之所廬也其西南隱隱於雲中見仙掌孤

聳天際雖星移物換而山川如故每徘徊不能去今平成康阜仕宦諸君子及達官長者絡繹經過茲土有不攬轡而懷

華陰縣志 卷五 觀

十四 一西安縣林印書代印

古者乎况邑紳若士醇而好義民質朴有古風多為善而樂施鳩工之日菽粟錢布有不鼓舞而樂與其事者乎又奚俟

乎余言是為序

望河觀在縣東南三十里土阜之巔碑碣文字悉剝落不可辨

未詳建自何代垣內古柏數株皆數百年物一株半體蒼翠

傳云其半明末為流寇所焚登高北顧俯視河流竹箭桃花

翻於眼底亦奇概也

按觀址故正里地張志即以此為望仙觀誤查舊志有五皇觀金天觀洞天觀紫微觀俱在山下今皆廢

菴

羽谷菴一曰文仙菴 馬志 在縣南十里世傳為呂洞賓造墨處

華山志 文仙谷呂真君隱居之所也真君來此易姓姬更名洞明

道號抱真子居華山蓮花峯下文仙谷內結庵四十年矣人無識者紹興丙子中秋前一日謂門人劉裕之曰張翁驪母昇元待吾久矣因作頌曰上面一个口下面一个口世間堅的有盛水不交漏囑付裕之訖怡然臥化裕之即藏遺骸於石室後數歲先生神現泗州塔自題詩云昔日曾居此埋名四十春紅塵多少客誰是識余人又詩云余曾十載攻文墨萬卷詩書鎖胸臆浮萍雲水寄家緣住在蓮峯人不識後云回公題裕之尋所瘞屍處惟見空棺緣頌有二口之語由是時人方悟是呂真君也今稱為羽谷庵

按華山志華山全集俱作羽谷其義難通疑谷字乃客字訛也張毓翰志文仙庵在孟村誤

華陰縣志

卷五 菴

十五

西安縣林印書代印

救苦庵

華嶽志 在青柯坪下

混元菴

華嶽志 在娑羅坪下 姚志 傍依高巖臨空而構

娑羅菴

通志 去臥仙坪里許

太虛菴在青柯坪明道士高元和養真於此即高蓬頭也萬歷間入都神宗召入大內講陳道要還山日明肅太后頒賜道藏勅建藏經樓貯之其處有說經臺 王斗機重修太虛菴藏經閣序 高元和北游京師明肅皇太后命施道藏四百八十函十萬餘卷印以慈聖宣文肅皇太后之寶勅立太虛菴萬歷十八年閣成納之

舊志云在泉店誤按蓬頭先隱於靈寶縣南之南村結庵以居後蒙勅賜元真庵庵內有萬歷十九年六月刻碑中載飲茶送道藏

經御前近侍都管內事趙安等三人親送道藏御題聖文到華山說經臺靈寶元真菴各有御題聖文安鎮并後鑄西嶽太華山青柯坪太虛菴全真高元和立觀此自不得與報恩觀相混也

竹林菴在黃神谷口創始莫詳明天啓間尼真緣居此數十年後無繼者遂至荒圯 國初宜川高僧炤覺號發光者卓錫菴內登座說經一時紳士多與之交漸為勝地

四仙菴 三才圖會 近宗土祠有四仙菴為譚紫霄馬丹陽劉海蟾邱長春修煉之所

院

休糧院 華山志 在柏行內宋太平興國中太宗召休糧道者赴闕賜經一藏及還山詩賜號巖靜大師有休糧詩三百章盛傳

華陰縣志

卷五 菴

十六

西安縣林印書代印

於世

蘭石院 華山志 廢已久

玉泉院 張志 在縣南華山麓宋皇祐中為陳搏建有石臥像山蓀亭後為玉泉觀 馮志 在縣南十里宋皇祐三年建有山蓀亭

宋端拱中建以居希夷先生者也院後有塚 登華記 玉泉故在張超谷與玉井潛通院當玉泉注處 秦蜀驛程後記 玉泉院在溪

西玉泉水環之

明魏允貞 柱杖尋幽到玉泉蓮峯無數插青天平生自愧風塵骨偷學先生一夜眠

塵骨偷學先生一夜眠

王士正 目玩玉泉流靜悟先天易多事墜驢時強與人間事

于版玉 百道泉回面面幽琮瑋幽韻寄冥搜兵餘道士渾隨

泉院詩 俗火候堂基獨占秋塵跡未緣幽澗轉野情先繞上峯流院

前洞有扶搖在笑問如今得睡不

楊九 玉泉道院水溶溶石上閒亭對碧峯幽徑落花春去早

海詩 疏簾斜日燕飛慵聽舍翠岫晴嵐色雲斷長溪兩岸風洞裏

睡仙何日起不堪吟罷繞林鐘

郭良 丹氣網緼散紫霞山蓀亭外有人家閒雲自在隱塵世

詩 流水幾番浮落花入座猿聲啼谷樹當門虎跡印溪沙神仙

未了南華夢柏子香消日未斜

國朝沈 滿眼羊脂玉流為澹白泉滿奔來雨後清快瀉階前

華陰縣志 卷五 院 十七 西安縣林印書社代印

月涌希峽秋涵小有天孤懷一相映魂夢繞澄鮮

按院字年久坍塌乾隆四十二年巡撫畢沅 奏明修建舊制一新

金渤院 華山 在雲臺觀南

白石院 失考

釋無可宿西 白石上嵌崆寒雲西復東瀑流懸住處雛鶴失

嶽白石院 禪中嶽壁松多古壇基雪不通未能親近去擁褐媿相同

十方院 在玉泉院下今廢

寺

法興寺 志 在縣東二十里建始莫詳唐貞觀二十二年僧圓定

明初僧深遠均重修之寺在泉店鎮東里許南阜之中背靠

崇崖前臨大路阜趾左右泉竇迸涌清渠盤球綠樹夾堤洵 招提之勝界也

開花寺 志 在敷水 志 在城西三十里唐貞觀年建明崇正九年

修

聖容寺 志 在城北三里南姚村唐貞觀三年建

本朝康熙二十八年修

昭賢寺 志 在縣西北十里西陽村唐貞觀五年建

本朝康熙三十三年修

法明寺 志 在公莊唐儀鳳二年創建

王夢鶴重修 佛者西域迦羅國釋迦氏之裔也其甫生也地

華陰縣志 卷五 寺 十八 西安縣林印書社代印

搖六震天雨四花神捧金盤龍吐香露隨運動而縱行七步

任知覺而目顧四方仰觀俯察大論不羣天上下下惟吾獨

尊觀侍御之寢睡而生厭得天人之捧駕而乘雲忽投身於

雪嶺時危坐乎嶙峋三心俱化二諦並存初宣小教次演空

宗八部般若次第以興無一事之不貫舉萬里而悉明空與

有而齊著色並心而借清懸慈燈以普照彰慧鏡而胥融以

不空之空而現於空空之境以不有之有而成於有有之宗

入不生不滅之地獲清靜無象之真六根既淨六塵自斷植

性命之本固造化之根本萬法為木鐸覺三界之沉淪鑪錘

萬象鎔冶兩儀大摩不包細靡不具渾渾乎無涯浩浩乎無

際萬化之所由生五音之所自備後天地而生能知天地無始之道先天地而化克明天地有終之理無經無廣無豎無橫無方無隅無形無名湛然虛空而究無一之或空靜虛無爲而實無往而不爲則佛之利生廣大澤物宏深牢籠萬劫之生靈濟拔無邊之疾苦其功德浩大洵不啻恆河沙數之恆河矣且所謂佛者覺也自覺覺他覺行圓滿也以三祇而滿三界出三身而具三智朗三覺以明三德圓三常以備十善滿乎十度超乎十地具其十身備其十力道範八極德周四維三乘妙法接引凡愚佛之爲佛固昭昭矣邑城之東二十五里間舊有法明寺在焉其地水秀而山明景清而林茂

華陰縣志 卷五 寺 十九 西安縣林印書代印

南倚千嶂之鍾靈北接三河之毓秀西連漢時東控函谷此誠三秦之要地二華之靈區也自昔大唐肇基創殿四楹儀鳳二年告厥落成迨嘉靖乙丑之歲更擴大其基址及萬曆三十四年復勤理其勦聖故其陶瓦椽桷繪彩繽紛字闕壯麗擬於楓宸固稱一時之盛觀也迄今百有餘年椽瓦飄搖金碧凋殘殿宇神像俱已圯毀無存所留者僅故址耳於是首事人等目覩心愴不勝唏噓之嘆追念先民聿興似續之心督率三社居民共集金錢用復舊章雖曰重修其功究與肇始無異及功已告竣欲鏤文以宣因屬文於余予不敏敬述數語聊誌其概云

壽聖寺在縣東北三十里寺南堡南據碑寺建於五代後周顯德間僧惠深居此法戒高峻世宗聞其名敕葺精舍賜額曰西禪院明主僧改爲壽聖寺其址舊在民居之北附近大河因河南侵稍遷之嘉靖乙卯地震殿宇僧舍盡頽僧了千智相延居人募修遂移於村堡之南萬曆初旱飢僧皆逃去居人再加修理住持僧侶香火未已

昭光寺 在邑城東南即漢武帝拜嶽壇舊址 成化二年建 改名昭光寺崇正八年重修 縣城東南即古拜嶽壇勝會院

按華山志拜嶽壇漢武帝拜祀之所唐太宗修爲鎮嶽靈仙寺後或名勝會院或名昭慶寺則建築不始於明之成化間也易名

昭光寺 在邑城外東南與地豐宮泮水渠引山泉灌注經寺側往往滲漏斷流形家謂有礙選舉

大悲寺 一在義買村

大悲寺 一在洛村據碑唐貞觀六年沙門禱秀創建明洪治

正德間僧人洪江里民李輔等募助重修河南布政司參政景佐撰文爲記

靈覺寺 在臺頭方山下按此即方山寺也在縣西四十里臺

頭里創始於明正德元年迄嘉靖元年乃竣萬曆十三年重修

石佛寺 在故正里隋大業三年創建傳聞佛象得之山澗中

煬帝吳妃捐金數百助成之

華陰縣志 卷五 寺 二十一 西安縣林印書代印